



A Skenderija 72, 71000 Sarajevo, BiH

M dekanat@fpn.unsa.ba
W www.fpn.unsa.ba

T +387 33 203 562
F +387 33 666 884

Na osnovu člana 108. Statuta Univerziteta u Sarajevu, a u vezi sa članom 70. Zakona o javnim nabavkama BiH ("Službeni glasnik BiH" broj 39/14 i 59/22), a na osnovu Zapisnika o ocjeni i ponudi od 10.10.2022. u postupku Javne nabavke robe – vanjske stolarije br. 01-3-1043-1/22, objavljene na Portalu javnih nabavki pod brojem 29329-7-1-46-3-19/22 dana 30.09.2022. godine, te Odluke dekana broj: 01-3-1142-1/22 od 13.10.2022. godine, zaključuje se:

UGOVOR O JAVNOJ NABAVCI

O nabavci vanjske stolarije

Zaključen dana 03.11.2022. godine između ugovornih strana

UNIVERZITETA U SARAJEVU - FAKULTETA POLITIČKIH NAUKA, sa sjedištem u Sarajevu, ul. Skenderija 72, ID: 4200494560139 koga zastupa i predstavlja dekan Fakulteta, prof. dr. Sead Turčalo (u daljem tekstu: Kupac)

i

"PRIMA-COMMERCE" doo Zenica, Čifluk do br. 3, ID broj 4218399650003, kojeg zastupa Kahrić Kasim (u daljem tekstu: Prodavac)

I - PREDMET UGOVORA

Predmet Ugovora je nabavka vanjske stolarije za potrebe Univerziteta u Sarajevu - Fakulteta političkih nauka, prema ponudi broj 03-4-1088-1/22 od 07.10.2022. godine, Odluci o dodjeli Ugovora br.01-3-1142-1/22 od 13.10.2022. godine i prema Konkurentskom zahtjevu za dostavljanje ponuda br.01-1043-2/22 od 30.09.2022.godine.

II - CIJENE

Prodavac se obavezuje da će robe definisane u članu 1. ovog Ugovora (vrsta, količina i pojedinačne cijene definisane u ponudi) a prema ponudi broj 03-4-1088-1/22 koja čini sastavni dio ovog Ugovora isporučiti za ukupnu cijenu koja iznosi: 8.012,14KM bez uračunatog PDV-a. Dok je iznos sa PDV-om 9.374,20 KM, te da je cijena važeća do okončanja ugovora i obavezujuća za obračunavanje izvršene isporuke.

III - ROK ISPORUKE I REALIZACIJA UGOVORA

Rok za isporuku predmeta nabavke je maksimalno trideset dana od dana obostranog potpisivanja Ugovora na adresu Kupca.

Prodavac je obavezan blagovremeno pismeno obavijestiti naručioca o spriječenosti isporuke robe iz člana 1. ovog Ugovora u dogovorenom roku i po ponuđenoj cijeni, zbog promijenjenih okolnosti, uslijed više sile ili drugog opravdanog razloga u roku od tri dana od saznanja za razlog spriječenosti.

U slučaju nepoštivanja ugovorenog načina dostavljanja robe, dobavljač je saglasan sa raskidom ugovora kao i sa naknadom štete koja bi nastala za ugovorni organ.

Naručilac zadržava pravo da u slučaju kašnjenja isporuke robe iz člana 1. ovog Ugovora naplati ugovornu kaznu u skladu sa Zakonom o obligacionim odnosima, u iznosu od 1% naručene robe, za svaki dan kašnjenja, do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač (prodavac) je dužan platiti ugovorenu kaznu u roku od sedam dana od dana prijema zahtjeva za plaćanje od ugovornog organa (kupca).

Ugovorni organ neće naplatiti ugovorenu kaznu ukoliko je do kašnjenja došlo uslijed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti (poplave, zemljotresi, požari, politička zbivanja,



A Skenderija 72, 71000 Sarajevo, BiH

M dekanat@fpn.unsa.ba

W www.fpn.unsa.ba

T +387 33 203 562

F +387 33 666 884

IV - NAČIN PLAĆANJA

U roku od 60 dana po isporuci predmeta nabavke u KM na transakcijski račun Prodavca. Dobavljač je dužan izdati fakturu u skladu sa odredbama pozitivnih propisa iz oblasti poreza, u suprotnom ista neće biti plaćena i biti će vraćena na usklađivanje.

V - KVALITATIVNI I KVANTITATIVNI PRIJEM

Kvalitet isporučene robe utvrđen je u ponudi navedenoj u členu 1. ovog Ugovora.

Dobavljač je obavezan robe iz člana 1. ovog ugovora isporučiti u roku, na način i pod uslovima određenim ponudom i odredbama ovog ugovora, te pri tome postupati sa pažnjom dobrog stručnjaka, u suprotnom preuzima i snosi punu odgovornost, troškove i rizik.

VI - PRIMOPREDAJA

Primopredaja robe vrši se potpisivanjem otpremnice a ista se potpisuje nakon kvalitativnog i kvantitativnog prijema robe, koji će izvršiti ovlaštena osoba Fakulteta političkih nauka. Nakon kvalitativnog i kvantitativnog prijema robe sačinat će se zapisnik koji će biti sastavni dio ovog Ugovora. Ukoliko se pregledom utvrdi da kvalitet i kvantitet ponuđene robe ne odgovara traženom i ponudom utvrđenom kvalitetu i kvantitetu, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 sati da raskine Ugovor na štetu Prodavca.

VII - GARANCIJA

Za ugovorenu robu prodavac daje garanciju na kvalitet u skladu sa ponudom iz člana I Ugovora.

VIII - Ako se u slučaju više sile, potpuno ili djelimično spriječi izvršenje obaveze po ovom Ugovoru, ugovorna strana kod koje je nastupila viša sila dužna je da obavijesti drugu stranu o odlaganju ili raskidu ugovornih obaveza u roku od sedam dana od dana nastanka više sile.

IX - ZAVRŠNE ODREDBE

Na sve odnose i institute koji nisu navedeni u ovom Ugovoru, a pojave se prilikom realiziranja primjenjivat će se odgovarajuće odredbe Zakona o obligacionim odnosima. Svaka od strana ima pravo jednostranog raskida ugovora iz razloga neopravdanog neispunjavanja obaveza druge ugovorne strane ili zahtijevati ispunjenje obaveza druge ugovorne strane.

Ugovorna strana koja je pretrpjela štetu zbog neispunjenja obaveza druge ugovorne strane ima pravo na naknadu štete. Sve nesporazume Prodavac i Kupac nastojat će riješiti mirnim putem. Ukoliko se sporazumno rješenje ne postigne nadležan je sud u Sarajevu.

X - Ugovor je sačinjen u 4 (četiri) jednaka primjerka, od čega 2 (dva) pripadaju Prodavcu 2 (dva) Kupcu.

XII - Ugovor stupa na snagu danom obostranog potpisivanja.

PRODAVAC

Kahrić Kasim

Broj: _____

Zenica, 15. 11. 2022. godine

KUPAC

Prof.dr. Sead Turčalo - dekan

Broj: 01-3-1142-2 /22

Sarajevo, 03.11.2022. godine